



**SURUHANJAYA PILIHAN RAYA MALAYSIA**

## **KENYATAAN MEDIA**

**Bil. 23 / 2022**

### **PERMOHONAN UNDI POS DALAM DAN LUAR NEGARA BAGI PILIHAN RAYA UMUM KE-15 (PRU KE-15)**

1. Suruhanjaya Pilihan Raya Malaysia (SPR) mengambil maklum akan pengisytiharan pembubaran Parlimen Penggal ke-14 yang telah dibuat oleh YAB Dato' Sri Ismail Sabri Bin Yaakob, Perdana Menteri Malaysia setelah diperkenan oleh KeBawah Duli Yang Maha Mulia Seri Paduka Baginda Yang di-Pertuan Agong pada **10 Oktober 2022 (Isnin)**.
2. Sehubungan dengan itu, SPR ingin memaklumkan permohonan undi pos dalam dan luar negara bagi Pilihan Raya Umum Ke-15 (PRU Ke-15), kini dibuka serta-merta. Manakala, tarikh tutup permohonan akan dimaklumkan kelak selepas SPR bermesyuarat bagi menentukan tarikh-tarikh pilihan raya.
3. Seterusnya untuk permohonan undi pos bagi **Kategori 1A** (Petugas Pilihan Raya, Ahli/Pegawai SPR, Anggota Polis, Anggota Tentera, dan Petugas Media), hendaklah memohon secara manual

menggunakan Borang 1A yang dimuat turun dari portal rasmi SPR di <https://www.spr.gov.my>, dan dihantar ke Pejabat Pegawai Pengurus Bahagian Pilihan Raya berkenaan. Alamat dan maklumat Pejabat Pegawai Pengurus boleh dirujuk di portal rasmi SPR jua.

4. Manakala, bagi **Kategori 1B** (warganegara Malaysia yang berada di luar negara) & **1C** (agensi/organisasi) pula, permohonan hendaklah dikemukakan secara dalam talian (online) melalui portal berikut: <https://myspr.spr.gov.my/login>.
5. SPR juga ingin memaklumkan bahawa satu mesyuarat khas bagi membincangkan dan menentukan tarikh-tarikh penting PRU Ke-15 dengan turut mengambil kira pelaksanaan Pilihan Raya Kecil Dewan Undangan Negeri (DUN) N.66 Bugaya, Sabah akan diadakan pada satu tarikh yang akan dimaklumkan kelak.

Sekian, terima kasih.

**DATO' INDERA IKMALRUDIN ISHAK**

Setiausaha

Suruhanjaya Pilihan Raya Malaysia

10 Oktober 2022 / 13 Rabiulawal 1444H